



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 1. De dupli praeparatione ante officium, remota & proxima. Remotam in rectitudine vitae, in libertate animi, in oris taciturnitate: Proximum in puritate intentionis, in divinae praesentiae ...

**urn:nbn:de:hbz:466:1-10805**

## §. I.

*De duplice preparatione ante Officium, remota, & proxima. Remotam in restringendis vitiis, in libertate animi, in oris taciturnitate: Proximam in puritate intentionis, in divine presentie consideratione, in divini auxilii imploratione sitam esse.*

1. **A** Präparatione incipio, siquidem scriptum est h<sup>a</sup>, Ante orationem præpara animam tuam, & noli esse quasi homo qui tentat Deum. Quis enim audeat in conspectu Principis non præparatus orationem habere<sup>c</sup>. Aut quis musicus, vel cithareodus coram Rege, & Magnatibus præsumat canere, nisi prius temperet fides, & probet instrumentum<sup>d</sup>? Nos autem, ait Chrysostomus i, quando ad Deum accedimus, id esse existimemus theatrum, sed ex universo orbe terrarum, vel potius ex supernis populis coelestibus collectum: & Regem in medio sedere, qui vult nostram audire orationem. Nullus sit cithareodus, nullus lyricen, qui ita se exerceat scenam ingressus timens ne quid insuave, & inconcinnum canat, ut nos ingressuri theatrum Angelorum. Vetus parceria est Adoraturi sedent, qua paratum purgatumque animum ad orationem afferre monemur. Sancti vero Patres præparationem duplē faciunt remotam, & proximam. Primam sic explicat Laurentius Justinianus k. Præparatio remota est orantis vita laudabilis. Multum enim juvat orationis puritatem, si in omni loco, actu, & tempore nos ab operibus temperemus illicitis, & divinis obediamus præceptis: si semper ab otiosis sermonibus auditum pariter castigemus & linguam. Quæcumque enim sæpius agere, loqui, vel audire consuevimus, necesse est frequenter ad animum quasi solitam, propriamque recurrent ad fidem. Recte de eadem re Gregorius Magnus l, si quod præcipit Deus facimus; id quod peritus obtinemus. Valde namque apud Deum utraq; hec sibi necessariò congruunt, ut & oratione operatio, & operatione fulciatur oratio. Propterea ait Prophetam m, Iniquitatem si aspexi in corde meo, non exaudiet Dominus. Remota etiam præparatio est non solum carere peccatis, sed à pravis affectionibus, & ab externis tumultibus liberam habere

h Eccl. 18: 23. i Chrys. in Psal. 4. k Justin. orat. cap. 5. l Greg. 18. mor. cap. 5. m Psal. 65.

mentem, & cor expeditum. Sententia cuiusdam Platonici est n, optimam apud Deum oblationem esse in entem puram, & perturbationum vacuum animum. Diadochus o item Phocensis eleganter docet oportere eos qui certant animum semper extra perturbationum fluctus conservare: mare enim cum tranquillum est, usque ad fundum est pescatoribus perspicuum, cum vero ventis agitur, regit tempestate turbida, quæ in placida tranquillitate largiter facit perspici. Ad hanc animi libertatem alsequandam nil utilius silentio. Nam in multiloquio non dierit peccatum: & qui custodit os suum, custodit animam suam. Pythagoras, teste Apuleio p, primus Philosophiae nuncupator & conditor, nihil prius discipulos suos docuit, quam tacere, primaque apud eum meditatio sapienti futuro linguam omnem coercere: propositus hoc erat primum sapientiae rudimentum meditari confidere, loquitari dediscere. Taciturnitatis, ait Climacus q, mater orationis est. Et Joannes Abbas Raithu r; Silentium, inquit, custodia virtutum. Tandem, ut verbo omnem remotam præparationem complectar, meminisse debemus sanctissimæ institutionis, quam tradit Cassianus s, ut tales nimis esse studeamus ante orationem, quales orantes volumus inveneri.

2. Altera præparatio specialis, & proxima illa est, quæ jam instantे Officij hora fieri debet. Scimus enim, ait Richardus Victoriinus t, quia intimè & devotè nunquam mens orat, quæ se ad devotionem studiosis præmeditationibus prius non excitat. Primi igitur, audito signo, quo ad sacram synaxim conyocamur, oratio nostra recta intentione in suum finem dirigenda, qui Deus est, alioquin Deo placere nequam poterit, nisi ejus ipse sit causa. Sincera vero, & rectissima intentio est Deum solum semper respicere, de præmio & mercede nihil sollicitum esse, maiorem Dei gloriam, & beneplacitum ejus quoconque alio respectu excluso observare. Optimè de hac re Augustinus u, in illum Psalmi Versiculum, Voluntariè sacrificabo, & confitebor nomini tuo Domine, quoniam bonum est; Quare, inquit, voluntariè? quia gratis amo quod laudo. Laudo Deum, & in ipsa laude gaudeo, ipsius laude gadeo, quo laudato non erubesco. Gratitudo fit & quod

n Porphyrius lib. 2. de abst. animal. o Diadoch. de pers. spirit. cap. 26. p Apul. Florid. lib. 2. q Climac. gr. 11. r Joan. Abb. ad gr. 27. Climaci. s Cassian. col. 9. cap. 3. t Rich. de erud. hom. int. lib. 1. cap. 7. u Aug. in Psal. 55.

& quod laudatur, & quod amat. Quid est gratuitum? ipse propter se, non proper aliud. Contemne omnia, ipsum attende, ipsum gratis diligere, quia melius ab eo non invenis quod des, quam seipsum. Et confitebor nomini tuo Domine, quoniam bonum est. Ob nihil aliud, nisi quod bonum est. Numquid ait, Confitebor nomini tuo, quia das mihi fructuosa prædia, quia das mihi aurum & argentum, quia das mihi latas divitias, excellens dignitatem? Non. Sed quid? quoniam bonum est. Melius nihil invenio quam nomen tuum, id est Confitebor nomini tuo, quoniam bonum est. Ergo laudare Deum propter solum Deum, hoc verè Deum laudare est. Oculus simplex ex sententia Salvatoris nostri x totum corpus lucidum facit, quia, ut explicat Gregorius y, per horæ intentionis radium merita illustrantur actionis. Ideo sponsus in Canticis, Sponsæ oculos præ cæteris membris collaudat, sequè mirificè captum unico ejus oculo declarat dicens z, Vulnerasti cor meum foror mea sponsa, vulnerasti cor meum in uno oculorum tuorum. Non dicit in oculis, quasi in pluribus, quia unica debet esse intentionis, unus oculus simplex, & directus in unum. Qui plures oculos habet, divisi sunt: non respicit Deum, non dicit cum Propheta a, unam petti à Domino, hanc requiram: Ad sumnam, non quaerit Deum, qui cum ipso Deo aliud à Deo præcavere convincitur. Porro cùm intentio duplex sit, actualis, cum quis Deo offert quod facit, aut dum facere incipit; & virtualis, quæ fundatur in actu præterito, virtualiter tamen præsente, suadeo ut rectæ intentionis actus initio cujusque officii instauretur: tum quia matutinæ directionis impulsus ob varias humanae vite occupations interrumpi facilè potest: tum quia censem nobiliores Theologî apud Hieremiam Drexelium b in auro suo libello de recta intentione non sufficiere virtualem intentionem ad promerendum singulis actionibus novum gratiae incrementum, quamvis sufficiat ad moralem operis integratatem. Narrat Joannes Möschus c in Prato spirituali venisse quendam senem ad fratrem solitarium, atque illi dixisse: Dic mihi frater in tanto tempore solitariae vitæ, & spiritualis exercitii quid lucratus es? Cui frater ait, Vade & post decimum diem veni ad me, & dicam tibi. Senex autem abiens post decimum diem rediit, inveniens fratrem migrasse ad Christum, & testam, in

qua sic scriptum erat: Ignosce Pater, quia nunquam dum opus Dei agerem, aut horis constitutis psallerem, mentem meam dimisi in terram.

3. Sic mentis obtutu in Deum solum defixo sistere se debet oraturus ante conspectum divinæ majestatis, quæ res magnum habet momentum ad preces recte inchoandas, & ritè subsequendas. In omnibus viis cogita illum, ait Sapiens, d. & ipse dirigit gressus tuos. Docet fides Deum ubique esse, opera autem omnis carnis coram illo, & non est quidquam absconditum ab oculis ejus. Ergo si ad orationem assistens Deum esse præsentem verè crederem (verbis utor D. Hieronymi e) illud cor quo Deus videatur mundarem, manibus tunderem peccatum, genas lacrymis rigarem, corpore in horrescerem, ore psallerem, jacerem ad Domini metas pedes, eosque fletu perfundarem, crine tergerem, hærerem certè truncu crucis, nec prius omittarem, quam misericordiam impetrarem. Nunc verò crêberim in oratione mea, aut per porticus deambulo, aut de scenore computo, aut abductus turpi cogitatione etiam quæ dictu erubescenda sunt gero. Ubi est fides? Ubi timor Domini omnia videntis? Siccine putamus orasse Jonam? sic tres pueros? sic Davidem inter leones? sic latronem in cruce? Stoicus Philosopher f nil utilius ad omnem virtutem concepta animo viri gravioris præsentia existimavit. Accipe, ait ad suum Lucilium, & quidem utiliem & salutarem clausulam, quam te assigere animo volo. Aliquis bonus vir nobis eligendus est, ac semper ante oculos habendus, ut sic tanquam illo spectante vivamus, & omnia tanquam illo vidente faciamus. Magna pars peccatorum tollitur, si peccaturis testis afflata. Aliquem habeat animus quem vereatur, cuius auctoritate etiam secretum suum sanctius faciat. O felicem qui sic aliquem vereri potest, ut ad memoriam quoque ejus se componat, atque ordinet! Qui sic aliquem vereri potest, citò erit verendus. Haec ille. Quod si hominibus id tribuendum videtur, ut ne quid eis præsentibus committamus, quod eorum oculos possit offendere, quo timore percelli debemus ante ejus conspectum, qui observat omnes semitas nostras, & vestigia pedum nostrorum considerat: cuius oculi sole lucidiores sunt, circumspicientes omnes vias hominum, & profundum abyssi, & hominum corda intuentes in absconditas partes? Idcirco Monacho-

Z Z Z Z Z 2 rum

d. Prov. 3:6. e. Hieron. in dial. adv. Luciferian.

f. Sen. epist. 11.

x. Matth. 6:22. y. Greg. l. 28. mor. cap. 6. z. Cant. 4:9. a. Psal. 26. b. Drex. lib. 1. de rect. inten. cap. 5. c. Prat. sphæt. c. 98.

rum Magister <sup>g</sup> mysticæ scalæ, qua ad beatitudinem ascenditur primum gradum in continua Dei præsentis recordatione constituit, & de disciplina psallendi differens, Ubique, ait, divinam credimus esse præsentiam, & oculos Domini in omni loco speculari bohos, & malos, maximè tamen hoc sine aliqua dubitatione credamus, cum ad opus divinum assistimus. Ideo semper memores sumus quod ait Propheta, *Servire Domino in timore, & iterum psallite sapienter, & in conspectu Angelorum psallam tibi.* Est enim Ecclesia templum Dei, ut docte ait Sanctus Germanus in rerum Ecclesiasticarum contemplatione, delubrum sanctum, domus orationis, terrenum ccelum, in quo Deus inhabitat. Denique Boëtius <sup>h</sup> vir sapientissimus, Magna nobis est, inquit, necessitas indicta probitatis, quando ante oculos agimus judicis cuncta carentis.

## METRUM XLVI.

**S**ancte polum, medioque sumum celum abdere cœli,  
Illi rorator siderum  
Te Deus irveniet.  
Turba, si inclusum caput inter nubila condas,  
Latè patentes nubium  
Disgregat ille globos.  
Frusta telluris gremio, Stygiisque cavernis,  
Aut rupe te cava reges;  
Numine cuncta replet.  
Fortè cupis nigro te noctis condere poplo?  
At noctis umbras intima  
Rumpere luce solet.  
Eia age præceptibus penitus ad littora Thulem,  
Extremam ad arcton evola,  
Qua sfera faxit byems.  
Decolor Eos, qui cingitur India Gange,  
Qua solflente servidas  
Aduis annae rotas.  
Quaque dies medius pallentes denebat umbras,  
Et solis uscas ignibus  
Terret ab axe plagas.  
Sea terra, pelagoque jugum, caloque capessas,  
Iustus Deus te vindici  
Prendet ubique manu.

4. Postquam verò Deum præsentem humiliter adoraverimus, ejus gratiam ad dignè orandum implorare debemus: nam quid oremus si cui oportet nescimus, & nemo potest dicere Domine IESU nisi in Spiritu sancto. Sententia fidei est, supernaturale auxilium gratiæ necessarium esse

*g Ben. d. 6. 7. & 16. h Boët. in fin. l. ult. de consol.*

ad actus supernaturales eliciendos. At orationem actum esse supernaturalem, docent Chrysostomus <sup>i</sup>, & Augustinus <sup>k</sup>. Accedit quod oratio simpliciter necessaria est ad salutem, ut ex multiplici Christi, & Apostolorum exhortatione ad orandum colligitur: nullum autem credimus salutem suam posse operari nisi Deo auxiliante; quia Nemo potest ad me venire, ait Christus, nisi Pater meus traxerit eum. Quomodo ergo poterit quispiam convenienter orare, nisi fuerit divinae gratiæ præventus auxilio, ejusque assistentia, & efficacia roboratus? Stat quidem Dominus semper ad ostium, & pulsat, si forte sit aliquis qui audiat, & aperiat, sed optat nihilominus instanter à nobis exorari, ut, quod ab initio, & ante secula misericorditer tribuere decrevit, etiam precibus nostris solicitatus præbeat: & non solum secundum propositum ejus, sed etiam secundum nostram cooperationem coronemur. Præclarè S. Prosper <sup>l</sup>, Quamvis quod statuit Deus nulla possit ratione non fieri, studia tamen non tolluntur orandi, nec per electionis propositum liberi arbitrii devotio relaxatur, cum implenda voluntatis Dei ita sit præordinatus effectus, ut per laborem operum, per instantiam supplicationum, per exercitia virtutum fiant incrementa meritorum. Rectè dictum est à Poëta m, *Dimidium facti qui benè coepit habet*, in singulis enim actionibus id in primis curandum est, ut benè ordiamur. E fundamento torius ædificii ratio conjicitur, & à præparatione futurum orationis statum cognoscimus. Ignis ergo devotionis in prævia meditatione exardescat, qui fœnum & stipulam distrahentium cogitationum comburat, & sic fieri Officii recitatio sacrificium acceptabile Domino in odorem suavitatis.

<sup>i</sup> Chrys. lib. 2. d. orando Deum. <sup>k</sup> Aug. passim, in libris aliis. Pelagios. <sup>l</sup> Prosper. de vocat. genitum lib. 2. cap. ult. <sup>m</sup> Horat. lib. 1. epist. 2.

## S. I I.

Utrum oratio ad intellectum, an vero ad voluntatem pertineat. Variae orationis definitio-nes. Vtriusque potentia actus requiri ad bene orandum. Intellectum attentione, voluntatem devotione componi. Actum prius de reverentia, qua componitur externus homo. Ea quid sit, & quotuplex, & quæ eius incitanteria.

*I. Quæ-*